



«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»  
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ  
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ  
ԴԱՍԸՆԹԱՑ 2023

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

Համո Սահյանի պոեզիայի  
դասավանդման մեթոդաբանությունը

ԱՌԱՐԿԱ

Հայոց լեզու և գրականություն

ՀԵՂԻՆԱԿ

Լիանա Մամուլյան

ՄԱՐԶ

Երևան

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ Գ. Մահարու անվան հ.176 հ/դ

# Բովանդակություն

Ներածություն.....	2
ԳԼՈՒԽ 1.....	4
Համո Սահյանն ու բնությունը.....	4
1.1 Բնությունը Համո Սահյանի պոեզիայում.....	4
1.2 Համո Սահյանը ու նրա քնարերգությունը.....	5
ԳԼՈՒԽ 2.....	7
Համո Սահյանի պոեզիայի դասավանդման մեթոդաբանությունը .....	7
2.1 Դասի վարումը ԽԻԿ համակարգով:.....	7
2.2 Քարտեզագրում .....	9
2.3 ԳՈՒՍ մեթոդը.....	10
ԳԼՈՒԽ 3.....	11
Միջառարկայական կապեր .....	11
3.1 Միջառարկայական կապ / Պատմություն, աշխարհագրություն երաժշտություն/ .....	11
Եզրակացություն .....	17
Օգտագործված գրականություն.....	18

## Ներածություն

Միջնակարգ կրթության շրջանակներում և տարամեթոդ ու այլընտրանքային հայեցակարգով գործող դպրոցի առկայության պայմաններում ապահովել հայերենի՝ որպես մայրենի լեզվի հայ և համաշխարհային գրականության ուսացման միատեսակ վերջնական արդյունքներ՝ արդի հասարակության մեջ ազատ և նպատակահարմար հաղորդակցվելու՝ սեփական մտքերը գրավոր և բանավոր շարադրելու, հանրային կյանքի ամենատարբեր բնագավառներում խոսքային գործունեություն իրականացնելու միասնական կարողությունների ու հմտությունների, գրական գիտելիքների ու ճաշակի մշակման տեսանկյունից: Գեղարվեստական գրականության դասավանդման ընթացքում առանձնահատուկ տեղ է զբաղեցնում գեղարվեստական խոսքի ընկալման, ձևավորման հարցը: Ինքնատիպ է Համո Սահյանի պոեզիան՝ իր գեղարվեստական պատկերամիջոցների համակարգով: Հարց է ծագում՝ որ ուղին ընտրել. ապավինել միայն դրսեկ ծրագրերին, թե ստեղծել ազգային արմատներով և միջազգային չափանիշներով կրթության նոր համակարգ: Համոզված ենք՝ երկրորդը:

Հանրակրթության այսօրվա պահանջներից մեկը ուսումնաճանաչողական և, ընդհանրապես, մտավոր գործողություններ կատարելու համար անհրաժեշտ մտածողության ձևերի ու մեթոդների յուրացում ապահովելն է, սովորել սովորեցնելը:

Պահանջը ինքնին նոր չէ: Նոր չէ նաև մանկավարժության փորձով փաստվող իրողությունը. դաս-դասարանական համակարգով ամրագրված ավանդական ուսուցման պայմաններում եթե ոչ անհնար, ապա անչափ դժվար է խնդրի իրագործումը: Պատահական չէ, որ դասավանդման արդյունավետ եղանակն իր տեղն աստիճանաբար զիջում է համագործակցության, սովորել սովորելու իրական հնարավորություններ ենթադրող մեթոդ-եղանակների /այդպիսի մեթոդ է խմբային մեթոդը/:

Նպատակահարմար է կազմել 2 պլան՝ ընդհանուր /տարվա համար/ և ընթացիկ կամ ամենօրյա: Ավանդական կրթական համակարգի պլանի նմանողությամբ հանդերձ՝ ընդհանուր պլանն ունի ընդգծված տարբերություններ: Ընդհանուր պլանով որոշակիորեն սահմանվում է ինչ սովորեցնել և ինչու հիմնախնդիրը: Պլանավորման այս ձևը օգնում է ուսումնական առարկայի կրթական խնդիրների լուծումը դիտարկել պետական կրթական քաղաքականության պահանջներին և նպատակներին համապատասխանության, այդ միասնության մեջ:

# ԳԼՈՒԽ 1.

## Համո Սահյանն ու բնությունը

### 1.1 Բնությունը Համո Սահյանի պոեզիայում

Բանաստեղծներն ունեն մի << արտոնություն>>, որով տարբերվում են ուրիշ զբաղմունքի և ուրիշ ասպարեզի մարդկանցից: Բանաստեղծների մասին, որպես օրենք, դատում են միայն լավ ու հասուն գործերի հիման վրա:

- Ժողովածուներ-
1. <<Որոտանի եզերքին>>-1946թ.
  2. <<Նաիրյան դալար բարդի>>-1958
  3. <<Քարափների երգը>>-1968
  4. <<Սեզամ, բացվիր>>-1972
  5. <<Ինձ բացակա չղներ>>-1998 /հետմահու/

Համո Սահյան...<<Որոտանի եզերքից>> հասավ մինչև 1998թ. Վերջին՝ <<Ինձ բացակա չղներ>> ժողովածուն հեղինակի վերջին տարիներին գրած անտիպ բանաստեղծություններն են: Այս գրքով Սահյանը հանրագումարի է բերում անցած տարիները, համակերպվում կյանքի մայրամուտին մոտենալու տխուր փաստի հետ:

Ճակատագրական 90-ականներին / արտագաղթ, հայաթափում, ցուրտ, սով/ անուշադրության կենտրոնում հայտնված, հուսահատված, հիվանդ ու հյուծված բանաստեղծը գերմարդկային լարումով ուժ է գտնում իր մեջ՝ օգնության ձեռք մեկնելու իր տառապյալ ժողովրդին: Գրականությունը խոսքի արվեստ է (Գրականության տեսության արդի հիմնահարցեր, էջ 15). գրական երկի ուսումնասիրությունը հնարավորություն է տալիս հասկանալու և վերլուծելու տեքստի ենթմաստր, հեղինակի ասելքը, գրողի՝ տեքստ ստեղծելու վարպետությունը, խոսքի ոճական առանձնահատկությունները, պատկերավոր խոսքի գեղագիտությունը:<sup>1</sup>

---

<sup>1</sup> . ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ «ՄԱՅՐԵՆԻ» 1-6-ԲԴ, «ՀԱՅՈՑ ԼԵԶՈՒ» 7-12-ԲԴ, «ԳՐԱԿԱՆՈՒԹՅՈՒՆ» 7-9-ԲԴ ԵՎ «ՀԱՅ ԳՐԱԿԱՆՈՒԹՅՈՒՆ» 10-12-ԲԴ ԴԱՍԱՐԱՆՆԵՐԻ ԱՌԱՐԿԱՅԱԿԱՆ ՉՍՓՈՐՈՇԻՉ: (1. ՀԱՅՈՑ ԼԵԶՎԻ ԵՎ ԳՐԱԿԱՆՈՒԹՅԱՆ ՈՒՍՈՒՑՄԱՆ ԵՎ ՈՒՍՈՒՄՆԱԹՈՒԹՅԱՆ ՆՊԱՏԱԿՆԵՐԸ)

<<Ինձ բացակա չդնեք>> կարապի երգը հանդիսացող ժողովածուն դարձավ նրա անմահության առհավատյան:

## **1.2 Համո Սահյանը ու նրա քնարերգությունը**

XII դաս, աշակերտները Համո Սահյանի ու նրա քնարերգության մասին գիտեն 7-րդ դասարանից /գրառված և պահված տետրերից կարդում են/:

Ծանոթ են <<Ժամանակակիցները Հ. Սահյանի ու նրա քնարերգության մասին>> Պազմիկ Դավոյանի, Լևոն Հախվերդյանի, Վահագն Դավթյանի, Մարտիրոս Մարյանի, Կայսին Կուլինի, Էդուարդ Մեծելայտիսի, Լև Օզերովի արտահայտած մտքերից:

Ծրագրային ստեղծագործություններից գիտեն <<Անտառում>>, <<Մասրենի>>, <<Ախր ես ինչպես...>> բանաստեղծությունները, ինչպես նաև Սահյանի թևավոր խասքերից:

Ծառը լաց է լինում, օգնություն է ուզում, թթվածին է ուզում: Ծաղիկը, ծառը չլինեն, մարդ կխելագարվի: Թվում է, թե իրենք հանգիցտ են: Դա խաբկանք է: Իրենք էլ են անհանգիստ: Ծառն ու ծաղիկն էլ իրենց ցավն ունեն: Մարդ իր կորցրած ազնվությունը բնությամբ կարող է գտնել: Մարդ պետք է ապրի ծառի օրենքով. Արմատով հողի խորքը ձգվի, սախարթով տարածվի դեպի արևը: Արմատը մեր հիշողությունն է, որ գնում է դեպի սկիզբը, դեպի պատմության խորքը, գնում է զորանալու... Եթե մեկը անցյալդ է ուզում գողանալ, վերագրել իրեն, ինչ ասել կուզի, պատրաստվում է զրկել քեզ ապագայից:

Աշակերտներին նախապես հարձնարարվել էր կարդալ Հ. Սահյանի ժողովածուները և ձեռքի տակ ունենալ դասի ընթացքում:

### **Հայ գրականություն**

#### **Դասարան- 7-ԸԴ**

#### **Թեմա – Համո Սահյանի պոեզիայի դասավանդման մեթոդաբանությունը**

#### **Դասի տևողությունը---45 րոպե**

Ուսումնական նպատակը—Հայրենասիրության զարգացում, հայրենասիրական ստեղծագործության հիմնական գաղափարի ընկալում, պատկերային համակարգի առանձնահատկությունների ընկալում, ասմունքելու վարպետություն, իրար լսերու, կարծիք հարգելու անձնային որակների բացահայտում, իրար հարցեր ուղղելու, խոսքը ճիշտ

կառուցելուունակություն, ստեղծագործական երևակայության բացահայտում և զարգացում:

Ուսումնական գործունեություն/ կամ գործունեության ձևերը- Բանաստեղծությունների լուռ և բարձրաձայն ընթերցում, հարցերի ձևակերպմամբ փոխստուգում, բառային և պատկերային համակարգերի ուսումնասիրություն և վերլուծություն, պատկերավոր արտահայտությունների առանձնացում և խմբավորում, հաղորդումներ և զեկուցումներ / հայրենասիրական քնարերգութ, թեմաներով/ խաչբառերի, գրքույկների կազմում, ստեղծագործական աշխատանք սովորած բառերի, արտահայտությունների գործածություն ինքնուրույն շարադրությունների մեջ, կենսագրական, բանաստեղծություններ:

Մեթոդներ/ հնարներ, վարժություններ/- ԳՈՒՄ, խմբային աշխատանք,փակ և բաց հարցեր. Վենի դիագրամ, քառաբաժան, պրիզմա, <<Հեղինակի աթոռ>>

Միջառարկայական կապեր

Հայոց լեզու/ ոճաբանություն, բառագիտություն/, պատմություն,  
աշխարհագրություն,արվեստ/ կերպարվեստ,

երաժշտություն, քանդակագործություն/

## ԳԼՈՒԽ 2.

### Համո Սահյանի պոեզիայի դասավանդման մեթոդաբանությունը

#### 2.1 Դասի վարումը ԽԻԿ համակարգով:

##### Դասի ընթացքը

Քայլ1: Խմբերի ստեղծում Հ Սահյանի բանաստեղծությունների միջոցով: Աշակերտներին բռնում ենք առանձին թերթիկներ, որտեղ գրված են բանաստեղծությունների /խմբերի քանակով/ տողեր: Յուրաքանչյուրն ընտրում է մի թերթիկ, ուր որևէ բանաստեղծության մեկ տողն է: Բաժանելուց հետո առաջադրվում է շրջել դասարանով և գտնել նույն բանաստեղծության տողն ունեցողին: Այսպես միննույն բանաստեղծության տողերով ձևավորվում են խմբեր:


Ստեղծվում են հենակետային 4 խումբ՝ կախված աժակերտների քանակից:

- |     |         |   |     |       |
|-----|---------|---|-----|-------|
| I   | Քառատող | - | I   | խումբ |
| II  | Քառատող | - | II  | խումբ |
| III | Քապատող |   | III | խումբ |
| IV  | Քառատող |   | IV  | խումբ |

Քայլ 2: Խթանման փուլ: Աշակերտների ձեռքի տակ են Հ. Սահյանի բանաստեղծությունների ժողովածուները:

Տրամադրող մթնոլորտ ստեղծելու համար կարելի է աշխուժացնող վարժություններ կատարել / << Անձրև >>, << Ծափեր >> /, որպեսզի ստեղծվի դրական վերաբերմունք և պատրաստակամություն՝ մասնակցելու դասի ընթացքին

Խթանման փուլում կիրառում ենք <<Մտագրոհ >>-ի մեթոդը: Ընտրում ենք հիմնաբառը և դրա շուրջն աշակերտներն ասում են մտքում եղած առաջին բառը:




Որպես հիմնաբառ կարող ենք վերցնել խորհրդանիշներ հանդիսացող քար, քարափ, մասրենի, անտառ, Լորագետ և այլ բառեր:

<<Մտքերի տարափ>> մեթոդով խրախուսվում է ցանկացած գաղափար, գրառվում են բոլորի մտքերը: Այս մեթոդով վեր են հանվում աշակերտների նախնական գիտելիքները: Դասի վերջում՝ կշռադատման փուլում, երբ աշակերտները ծանոթացել կամ յուրացրել են թեման, նյութը անպայման անդրադարձ է կատարվում մտազրոհի արդյունքներին՝ ճշտելով, ուղղելով, լրացնելով, ամբողջացնելով նախնական մտքերի ու գաղափարների ցանկը:



## 2.2 Քարտեզագրում

### Հասկացողության սահմանման քարտեզ



## Քարտեզագրում

Այստեղ շրջանի մեջ են առնվում թեման, գաղափարը կամ հասկացողությունը, այնուհետև առանձին հասկացողության շուրջ գրի են առնվում ուղեկից բառեր:

Այսպես տարբեր հասկացողությունների շուրջ քարտեզը ընդլայնվում է: Ճյուղերը տարածվում են՝ ուղեկից բառերից դուրս բխելով: Յուրաքանչյուր բառ գծիկով միանում է «ծնող» բառին:

Կարևորն այստեղ այն է, որ արդյունքում ստացվի մի պատկեր, որին հաջորդելու է որոշակի գաղափարների նպատակային ուսումնասիրություն:

### 2.3 ԳՈՒՍ մեթոդը

Խթանման փուլում կիրառվում է նաև ԳՈՒՍ-ի մեթոդը.

Գիտեմ	Ուզում եմ իմանալ	Սովորեցի
<p>Համո Սահյանի կենսագրությունը 7-րդ դասարանից անցել ենք Նշանավոր մարդկանց խոսքը նրա մասին/Ռազմիկ Դավոյան, Լ Հախավերդյան, ԿԿուլիեվ, Էդ Մեծելայտիս, Վ Դավթյան, ՄՍարյան, Լև Օզերով</p> <p>Անցել ենք նաև Մասրենի, Ախր ես ինչպես Անտառում Սահյանի խաբերով երգեր են գրվել Տիգրան Մանսուրյան Մայրամուտի երգեր,,վոկալ շարքը</p>	<p>Ժողովածուների մասին նրա փիլիսոփայական մտքերից ինչ թեմաներով է ստեղծագործել Ով կամ ինչն է եղել նրա ոգեշնչման աղբյուրը</p>	

Իհարկե այս մեթոդը կկիրառվի խթանման փուլում, բայց կուղեկցվի մինչև դասի վերջ, որտեղ աշակերտը կշոտադատման փուլի վերջում դասի ավարտից երկու րոպե առաջ կլրացնի, թե ինչ ցովորեց դասից:

Յուրաքանչյուր խումբ ձեռքի տակ կարող է ունենալ նույն ժողովածուն / 2-3 գիրք/:

## ԳԼՈՒԽ 3

### Միջառարկայական կապեր

#### 3.1 Միջառարկայական կապ / Պատմություն, աշխարհագրություն երաժշտություն/

Միջառարկայական կապ / երաժշտություն/ հնչում է <<Նաիրյան դալար բարդի>> երգը, խմբերն աշխատում են: Հանձնարարություն խմբերին: Ստեղծագործություններից գտնել աշխարհագրական անուններ, որոնք ոգեշնչման աղբյուր են եղել Հ. Սահյանի համար:



**Պահանջ:** Գտնել հայրենիքին նվիրված ստեղծագործություններ, դուրս գրել խորհրդանիշներ, որոնք կներկայացնեն հայրենիքը:

Խմբում առանձնացնում ենք դերերը /աշակերտների նախաձեռնությամբ/:

1. Ժամանակին հետևողներ /հիշեցնում է ժամանակը/:

2. Խրախուսող, գովաբանող /խրախուսում է խմբի յուրաքանչյուր լավ աշխատանքը և գովաբանում ներդրումները:

3. Դիտորդ խմբի աշխատանքի ընթացքում դիտորդական թերթիկում գրանցվում է յուրաքանչյուրի գործողությունները:

4. Գրառող - Գրառում է խմբի աշխատանքը, հիմնավորումներն ու լուծումները: Այն պետք է հիմք ծառայի խմբային ներկայացման համար:



Աշակերտները ընթերցելու չեն կարող չնկատել ու չհիշել Հ. Սահյանի բնապատկերների զրնգացող հանգերով: Երաժշտությամբ, ժողովրդական պատկերավորությանը համարժեք դարձվածքներով և ամենակարևորը խորհրդանիշները՝ քարափը, մասրենին, նաիրյան բարդին, Արարատ, Լորագետ, լեռներ ու փշատենի...

Սահյանը կարողացել « մի բուռ երգի մեջ» պատկերել «անդարձ աշխարհն իր անցուդարձով:

Սահյանի քնարն հնչում է անկրկնելիորեն նոր, երբ մեղեդի է հյուսում հայրենի հողի, հայրենի բնության, հայրենի սարերի ու քարափների մասին. Այդ նրա աշխարհն է՝ արևահամ ու ջերմացնող, հասկանալի ու հարազատ: Հայ գրականության երկերի ուսումնասիրությունը հնարավորություն է տալիս հարստացնելու սովորողի բառապաշարը,

պատկերավոր մտածողությունը, երևակայությունը, ստեղծագործական կարողությունները, ձևավորել գրական ճաշակ և ընթերցասիրություն:<sup>2</sup>

Աշակերտները կարդում են իրենց գտած բանաստեղծությունների հատվածները:

Ուր էլ որ գնամ, աչքերիս առաջ  
Քո քարափներն են շիկնելու նորից  
Ուր էլ որ գնամ, իրար շուք արած  
Քո սարերին եմ թիկնելու նորից:

/<<Ուր էլ որ գնամ>>/

Քարափ, սարեր

Սատանան տանի ինչ-որ հեռավոր  
Նմանություն կա Խաչիպապ պապիս  
ԵՎ այս հյուրընկալ քարափի միջև:

/<<Քարափը>>/

\*\*\*

Օրս ուր բացվում, ուր էլ մթնում է,  
Մեր Արարատյան հովիտը պերճ  
Գալիս փնտրում է, գալիս գտնում է,  
Գալիս մտնում է երգերիս մեջ:

/<<Արարատյան դաշտ>><sup>3</sup>

Սարերի մեջ ու ձորերի

---

<sup>2</sup> ՀԱՆՐԱԿՐԹԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ «ՄԱՅՐԵՆԻ» 1-6-ԴԴ, «ՀԱՅՈՑ ԼԵԶՈՒ» 7-12-ԴԴ, «ԳՐԱԿԱՆՈՒԹՅՈՒՆ» 7-9-ԴԴ ԵՎ «ՀԱՅ ԳՐԱԿԱՆՈՒԹՅՈՒՆ» 10-12-ԴԴ ԴԱՍԱՐԱՆՆԵՐԻ ԱՌԱՐԿԱՅԱԿԱՆ ՉԱՓՈՐՈՇԻՉ

<sup>3</sup> Սահյան Հ. Ս. Երկերի ժողովածու: 2 հատորով.- Հ. 1- Եր.: Սովետ. գրող, 1984-44էջ

Մի քարեղեն իրարանցում...

ԵՎ մի քարափ քարերի մեջ,

---

Կանգնել է լուռ, խորհրդավոր,

Թե քայլ արավ, պիտի առնի,

Թոռ ու ծոռով իր քարեղեն

Գերդաստանն էլ հետը տանի:

---

Կանգնել է նա լուռ ու հանդարտ

Քայլեց, պիտի հետը տանի...

Բայց ուր տանի այս մի պատան

Ինքնությունը Հայաստանի

/<<Բայց ու՞ր տանի>>/

ԵՎ այսպես շարունակ. Լինի Արարատյան հովիտ, թե Նաիրյան դալար բարդի, Դարպասի ձորը թե Գյազբել սարը քարը, քարափը, փշատենին ու մասրենին, այդ ամենը բանաստեղծի համար մարմնավորումն է իր հայրենիքի:

Աշակերտների աշխատանքի ընթացքում ուսուցիչը ներկայացնում է պրոբլեմային հարց.

- Կարող է Համո Սահյանը /կամ հայրենիքի մեծերը՝ բանաստեղծ, կաթողիկոս.../ Հայաստանի խորհրդանիշ համարվել:
- Աշակերտները կգտնեն անշուշտ <<Ինձ բացակա չղներ>> բանաստեղծությունը:



**Իմաստի ընկալման փուլ**– Յուրաքանչյուր խումբ /սեղմագիր/ ներկայացնում է իր եզրակացությունը:

Հարց << Ի՞նչ է հայրենիքը >> :

Յուրաքանչյուր խմբից 1-2 աշակերտ ասմունքում են:

Այնուհետև կազմում են պրիզմա:



Հայաստան



Հայրենիք

Հայաստանը հայրենիքն է աշխարհասփյուռ ողջ հայության



Իրիկնահաց



Սպասում


Նահապետական գերդաստանի սպասումն էր իրիկնահացը:

Պապ



Երկինք

Իմ պապը տնկել է, ցանել է, ջրել է, ստեղծել ու հետո երկինք է վերացել:



Սահյան-գրողի գրչի տակ քարը կենդանանում է, հաղորդակցվում է բնության բոլոր երևույթների հետ: Քարերը խոսում են սահյանական անկրկնելի լեզվով: Սահյանի փիլիսոփայական մտքերը ապագային ուղղված, վերածնման կարիք ունեցող առեղծվածային խոսքեր են՝ ակնածանք ու լուծումներ պահանջող մտորումներ:



## Եզրակացություն

Կատարելով սույն հետազոտական աշխատանքը՝ եզրակացնում ենք, որ բխելով ընդհանուր պլանի հիմնախնդիրներից /ի՞նչ և ինչու՞ սովորեցնել Հ.Սահյանի պոեզիայի դասավանդման ընթացքում/՝ ընթացիկ պլանը բովանդակում է ինչպես սովորեցնել խնդրի ծրագրավորումը: Սահմանվում են ուսումնական խմբի և ենթախմբի հետ տարվող աշխատանքի ձևերն ու մեթոդները, յուրացման գործընթացի կազմակերպման երթուղիները. Ուսումնական ծրագրի բաժինների մի քանի հասկացություններն ու գաղափարները:

1. Ճշտվում և հստակեցվում են սովորողների ուսումնառության կարգավորմանն ուղղված սկզբունքները և ուսումնառական հնարավոր դժվարությունները և դրանց հաղթահարման միջոցները, համագործակցության և փոխօգնության ձևերը, ուսուցման մեթոդները:

2. Նախնական նյութը բնությունն է, այս դեպքում՝ հայոց տեղային բնաշխարհը՝ Զանգեզուրը՝ իր լեռներով ու ձորերով, կածաններով ու արահետներով, բուսական ու կենդանական աշխարհով և հայաստանի համար այնքան բնութագրական քարի ու կարենուպատկերներով: Սահյանը քարի խորհրդանշանի մեջ կարող է տեսնել մի կողմից ժողովրդի կամքի ուժը, մյուս կողմից՝ ճակատագիրը, երրորդ կողմից՝ մարդու և բնաշխարհի դաշինքը:

Ուսուցման բովանդակային կողմին առաջադրվող պահանջները կատարելով՝, սովորողը կապահովի ուսումնական տարբեր բնագավառների միասնացումը, անհրաժեշտ գիտելիքների ծավալը, սովորողների հմտությունների, կարողությունների և արժեքային համակարգի ձևավորումը, ինչպես նաև նրանց ստեղծագործական ունակությունների խթանումը:

Այս իմաստով ընդհանուր պլանը ոչ այնքան առարկայի ուսուցման, որքան կրթական կազմակերպված ծրագիր է, որի կարևորագույն բաղադրատարրերը ուսումնադաստիարակչական գործունեության կազմակերպման հիմնարար խնդիրներն են՝ ուսումնական տևական արդյունքների ստացման տեսանելի պարզաբանումներով:

## Օգտագործված գրականություն

1. Համո Սահյան, <<Բանաստեղծություններ>>, Երկեր 2 հատորով, Երևան, 1984թ
2. Համո Սահյան, <<Ինձ բացակա չղներ>>: Բանաստեղծի վերջին ժողովածուն, Երևան 2004թ.
3. Սուրեն Աղաբաբյան, <<Արդի հայ գրականության պատմություն>>, հատոր 2, Երևան, 1993
4. Արմինե Մուրադյան, <<Կյանքի իմաստավորման գեղագիտական նոր ընկալումը Հ. Սահյանի <<Ինձ բացակա չղներ>> ժողովածուում, ՀՊՄՀ-ի 52-րդ գիտաժողովի նյութերի ժող . 1-ին պրակ, Երևան, 2003թ
5. Աիդա Հայրապետյան, <<Սահյանի բանաստեղծական աշխարհը>>, Երևան, Սովետական գրող, 1977
6. Դավիթ Գասպարյան, Գրականություն, 7-րդ դասարանի դասագիրք, Երևան, 2011
7. <https://www.arlis.am/DocumentView.aspx?DocID=176068>